

第六冊

國外遊記彙刊

上海中華書局印行

五

附余



國外遊記彙刊卷之二十

美利堅遊記

旅北美碁崙日記

璧臣

吾國沒收德奧輪船。向歸海交兩部合管。今春海軍選員十人。分派華甲華丙華戊三船。襄助駕駛。兼習外海之航行。奉調華戊者。余及前海鷗艇長吳仲筭君。前武昌輪船二副徐季杰君。船主挪威國人。大副三副皆俄厄斯霍尼亞人。二副尼蘭人。管輪概屬英蘇格蘭人。多歷經歐戰。足跡遍天下。談瀛論戰。風發泉流。頗爲動聽。此外皆華人。全船人數六十二。船長三百六十二尺。重七千噸。四月七日。由滬開行。十一日抵大沽口。裝煤載貨。十五日。由沽開行。過日本海。出津輕海峽。渡太平洋。五月十日。抵北美西德爾口。逼暹埠。始悉西德爾發生龍江風潮。遂折而南下。十一日傍晚。入哥倫布河。十點。邊斯拖力。停輪另換領港。時則燈光滿岸。魚火

橫江。澄波輝映。上下通明。海關來人查驗。聲甚嘈雜。終夜未寢。十一點半展輪。乃登望台值更。

十二日晴。曉寒甚重。船倚左山行駛。水流甚急。江面寬約半英里。漁舟點點如星。綿延不絕。少馬斜月在天。東方漸白。青山入望。屋宇儼然。回憶洋中念日。未見一島。未遇一船。駭浪猝騰。寒霜冷雪。慘怖之狀。時呈眼簾。而今天明氣清。水秀山明。心形倍爽。晨四點半寢。及起日已亭午。船傍碁崙之北。們爾色培噸米奴第四碼頭。距埠十五英里。海關來人查驗。極爲嚴密。凡一小盒小篋。無不搜查。週至下午。碁崙各報館訪員。先後來船訪問。對於吾華海軍三人。尤表親善。特請攝影。備刊報端。殷勤而別。華戊於下午一點起貨。五點停工。本日除船主外。餘人均未登岸。在船攝影。護照備用。蓋凡初抵美境。外。須有海關護照。始可登岸。護照內填寫國籍姓名。年歲。貼以二寸照片。印以指模。具同式護照二。一存海關。一存本人身畔。入國者例如是也。晚膳後。肅稟致藍海

軍總司令。修書致海軍公署副官處。諸同人。繕寫航洋日記千餘言。及寢。雞聲報曉矣。

十三日晴熱。早起閱俄勒岡晨報。詳載華戎輪船情形。洋洋數千言。題曰中華民國輪船第一次飛揚國旗於砵崙船中一豕一犬。莫不舉以爲異。吳君帶來百靈鳥。尤爲稱絕。上午在船監視工人起貨。此處工人時間。上午八點至十二點。下午一點至五點。每點工資一元。若在上八點前。下午五點後。則每點工資一元半。土人尙怨歐戰後物價昂貴。薪工微薄。罷工風潮。時起時伏。司空見慣。不足爲異。下午取得護照。卽與吳徐兩君登岸遊颺。計飛浮於狂風怒濤間者。四十有餘日。及登陸頗覺步履浮動。所歷鄉境。農耕於田。樹木葱蘢。洋房清雅。春和景明。顧而樂之。約一英里。達聖約翰鎮郵局。凡普通函件。寄美國境內。每信二分。明信片一分。美國境外。每信五分。明信片二分。此處有電車通砵崙。電車不分等級。不分遠近。每人六分。此外足供代步者。祇惟摩托車。

據所見說。數已在十萬以上。足見其盛矣。人乘馬車。乃於十年前淘汰淨盡。現僅見少數。用之架貨車而已。途遇粵人趙瑞芝君。邀至附近數華商處。先後坐談。已國人異國相遇。娓娓問訊。親如家人。據謂在此數十年。未見已國輪船到此也。既別。尋返。晚膳後洗浴畢。肅稟致慈親修書致三兄。

十四日晴和。華戎自昨日起。晝夜督工起貨。本晨起畢。六點移塢塢西裝木。午膳後。與吳徐兩君登岸。擬訪領事。適遇砵崙華商會會長李淇君。(粵台山人)偕余友李嵩君。(粵開平人)乘摩托車來此。相邀同赴砵崙。車行近一小時。途歷名所。均蒙停車指示。哥崙布南枝威康姆特河。分砵崙爲東西兩岸。相距約一千尺。有五橋相通。每橋建造費美金二百餘萬元。各橋藉機械之力。均可移動。凡輪船駛過。各橋各有一定之汽笛爲號。臨時啟閉。由南而北。第一橋可以升起一段。自九十尺至一百六十尺。第二三兩橋。均係隨軸轉動。分東西

南門第四橋分上下兩層。上駛電車。下駛火車。輪舟過時。先起下段。及與上段疊接。再同升起。高至一百六十尺。第五橋則一段斷爲二節。斜行升起。各與平面成一直角。凡動作開始時。橋上鈴響。橋端立即斷絕交通。過橋至西林崙第四街寶源公司。李洪君所辦。在此稍憩片時。乘車至第二橋中國領事署。訪領事。共談良久。領事梅伯顯字傑生。粵新南人。年七十歲。望之如四十許人。慷慨爽俠。諒然可親。旋李洪君之姪李沾。御摩托車。邀余等出遊。繞歷全埠。登西林崙哥時特蘭仔高山。廻環曲折。車行如飛。隱現林際。身入畫圖。蓋車行速度。隨地定限。每點鐘自十五英里至六十英里不等。繼復繞全埠而登東林崙特布盧山。附近有方池甚多。聞其水來自五十英里外。大峭峯之融雪。間有一池。噴水高至十餘丈。甚奇觀也。車返適五點半。李洪君宴余等於南京酒樓。同席梅領事等共十一人。席罷。李君以摩托車相送。梅領事及李洪君女眷等共十餘人。亦另車同來。

到船。坐叙片刻。乃別。是夜肅稟致薩海軍總長。十五日。晴和。上午五點半。本船移靠西岸沙米盧裝木。下午。與吳兩徐君登岸。南行數十武。至靈敦。雇摩托車。赴西林崙第三街。約十英里。車費一元。共乘五人。抵街步遊。恆得見所未見。沿街於刷鞋店。高置椅位十餘。來者登座。伸足於踏板上。一則爲之整潔。費一角五分。遠近街衢。豎有水管。上設形似茶盤。中安小杯四隻。高約人半。自來水從杯溢出。從盤中流入。川流不息。行人多俯飲者。貿易多屬女人。各種製造工作。藉機械之力。極爲神速。旋歷一小菜場。異葉奇花。名多莫識。香蕉柑桔之屬。大可數倍吾華產。肉食俱用冰封玻璃盒內。惟牛油頗腥氣。觸人。間有零星購食大菜者。末至某公園。坐憩片晌。仍雇摩托車返。本日購件。計費美金二十餘元。美自歐戰後。戰稅甚重。物價倍於曩昔。美幣以金爲本位。近美政府吸收金磅甚緊。市面流通紙幣如常。輔幣幣是爲一元。半元。二十五分。十分之銀幣。五分之銀幣。

一分之銅幣。每元兌百分。最近時價。合墨洋九角五分。正晚折東。邀請梅領事暨商會諸友。於十七日來船晚膳。

十六日晴暖。上午肅稟致何鏡秋師。下午煤行總經理於烈呼星君。邀同華茂船主。及余與吳徐兩君。共乘摩托車。至砵崙順至俄其街煤行。參觀陳列煤炭。式樣不下百種。均標明種類價格產地。經理復贈吾等遊戲片各一盒。分別各大公司之各廣告。各具一式。形色奇特。頗有深意。別經理後。與吳徐兩君。歷遊街衢。今日星期。頗形靜凡。雇工各店歇市時間。平日自上午八點至下午六點。星期六於上午十一點為止。星期日一概閉市。沿街時見教徒聚集。露天演講。歷第二街北首。適遇梅領事於寶和號。在此遇粵人甚多。計僑居砵崙華人近三千。皆粵人。西砵崙第一街第二街北首。全屬華商。僑民多生長其地。或住此數十年者。吾國方言稠雜。縣自不同。吾雖粵人。梅音與省垣。復相懸絕。到此語言隔膜。

反覺操英語爲便。旋梅領事邀同至第七街。參觀俄勒岡旅館。該旅館爲梅領事自建。以二子卓榮君經理之。梅領事亦手來美。數十年之經營。遂爲此間之富豪。家資數百萬。皆勸產。兼設有東方貿易公司。以三子啓明四子照及諸女經理之。一家無遊人。兼有其他公司數所。分設一帶。旅館供八樓。最低在地底。電光明亮。空氣清新。瓶置食品罐頭之屬。數百種。均在地底。各有房櫃。分別存貯。安排井然。極爲清潔。有中西大菜。有戲台。有跳舞音樂。地上光潔無倫。微塵不染。梅領事設西餐宴。吾等於此。同席爲巫理唐君及卓榮君等。食品多他處所無。如哥崙布河魚酸蛤草菓之屬。味美絕倫。席罷。卓榮君以摩托車相送回船。閱本日砵崙各報。均已刊登余及吳徐兩君照片。及華茂船式。極爲明晰。夜修書寄北京雲健飛先生。

十七日晴暖。早膳後赴靈敦修整。美金一元半。剪髮洗頭各半元。修臉整容各二角半。分門定價。由人自擇。下

午海關阿時不君來訪。餉以津酒。伊殊贊美不置。蓋此間酒禁甚嚴。惟外來船隻。携爲自由。不在禁例。晚六點零。梅領事偕三子啓明君應約至。李洪君等因事辭謝。未來六點半入座。船主以下各員共陪叙。至八點而別。頃梅領事提及。凡輪船除來往通商口岸不計外。如赴他埠。必須有本國領事之護照。否則海關不准起貨。不可不知也。晚修書寄上海陳芬穀先生。

十八日晴涼。晨六點展輪入威廉姆特河。傍東林崙木廠碼頭裝木。午。煤行總經理派伊黎君。御摩托車來接。余及吳徐兩君。至煤行八樓美商會。坐談甚久。經理擬邀夜宴。余等適有梅領事之約。乃行辭謝。旋由副經理（即總經理之兄）暨女眷一人。邀同吾等乘摩托車往遊高路。是爲此間最著名勝。距埠四十英里。歷埠入鄉。景象清雅。約三十英里。沿哥崙布河而東。抵冕頂參謁室。下車遊覽。峯巒疊翠。河流縈迴。風景至佳。每值假日。遊者實繁。對岸屬華盛頓省界。此處專售風景畫。每

盒念張。價洋一元。繼復登車。沿山而東。繞入深林中。歷羅馬八字形路。線迴環屈曲。如螺旋。迨出林傍山而前。沿河之鐵道。與旁山之馬路。忽離忽合。再十英里。先後凡見五瀑。初見者高二百二十五尺。峭壁峻絕。漸低漸突。瀑流甚急。懸空飛降。圍可十餘尺。次見者高二百四十二尺。自山廻繞而下。居民利用瀑布流勢。將高山所伐木塊。排放流中。順流而下。不費人力。復次高僅百餘尺。廣亦百尺。居民以新娘面幕名之。亦酷肖。再數里。所見高六百二十尺。如滾滾江河。自天奔流而下。隱現叢林間。乃下車步行。繞登山巔。山腰瀑布路頓處。小橋通左右。側立橋端。飛瀑盡入眼簾。奔騰澎湃。如急雨。如怒濤。浪花散佈。如微塵。如細雨。清寒浸浸。洵奇景也。山脚林中。設有茶座。以供遊人之憩息。俄復登車前進。末見一瀑。高二百零八尺。形似馬尾。因而命名。諸瀑悉發源於火帽峯之融雪。峯高一萬一千二百數十尺。長年見雪流之不盡也。車停。經理邀入馬尾瀑附近茶軒。飲冰

其淋。經理爲此問著名滑稽家。每一語令人絕倒。坐談片時。登車尋返。電掣雲移。車行絕速。七點半抵中國領事署。握別下車。隨由梅領事邀至東方貿易公司稍憩。旋往南京酒樓。領事宴吾等於此。並請商學界數十人相陪。中席用西式陳設。甚爲華美。以柑汁代酒。席半。領事起而演說。略謂休倫數十年來。未見中國輪船到此。今日菲席相賀。爲三君數萬里乘風破浪而來。使中華民國國旗。飛揚於休倫。留空前之紀念。祝中華民國航務從此發達。言畢。舉杯相賀。衆皆鼓掌。吾等立即先後敬致謝忱。並報告此番吾海軍人員所以派登商船之因由。及此後應如何努力發展。必不負領事及諸君之盛意。於是接續起而演說者十餘人。席散。回船。夜過午矣。

十九日。晴和。上午修書寄南洋巴里間之兄。午刻。有飛機橫空而過。阿時不君告余。此間每日數見飛機。有飛機站。搭客每人每十分鐘時間。票價十元。每四十五分。

則二十五元。每點鐘飛行一百十英里。下午。商會梁巫陳李四君來訪。二點。與吳徐兩君。乘摩托車至領事署談次。領事提及美國定章。凡船中辦事人數在五十以上者。必須裝置無線電。方許出口。至關於此項各種費用及用人等。必須概由租船者負擔。若由被租者負擔。彼必抬高租價。特囑將此代爲陳明。本國主管機關。並請寄於關於在美進出口章程及租船合同。盡吾國輪船初航美境。各節均應按章辦理。以免引起後來之困難。四點。領事邀同至愛普照相館攝影。與領事三千共七人。同拍半身者。是爲最近之時式。用電光攝影。五點。另至德勿時照相館。僅領事與吾等同拍全身。坐立凡三種。拍後。領事邀同至俄勒岡旅館晚膳。並備音樂。男女跳舞數十對。環圍而走。與音樂相和。膳畢。卓榮君諸昆仲。邀同乘摩托車出遊。向華盛頓省進發。過羅哈一帶。住宅。每家富逾美金五十萬。過此三十萬之富室。約十英里。過番古窪橋。橋長半英里。到橋頭。須購票。每

車一角半。每人五分。至橋尾。有人收票。返亦如之。橋北屬華盛頓省界。與俄勒岡省。適隔以哥倫布河。過華盛頓大街而東。見華盛頓大學。繼歷美兵營。綠樹叢濃。細草鋪氈。北爲官員宅室。南爲兵士住室。相向約三百碼。住室分數十坐。相距數十碼。中雜樹木。兵士住室之南。悉爲病院。景象清幽。遊罷回船。鐘鳴十下矣。燈下修書。寄租船處吳毓卿副監督。

二十日陰涼。上午往游東砵崙。沿街甚幽靜。蓋全埠之精華。萃集於西砵崙。尤以第七街及華盛頓街爲繁盛。旅館。戲園。各大公司。林立於此。美國旗四十八星。表示全國四十八省。砵崙屬俄勒岡省。面積九百萬方英里。居民三百萬人。東砵崙縱橫各百餘街。西砵崙橫百餘街。縱三十二街。達哥時特蘭仔山而止。余甫至西砵崙。適天雨。遽歸。下午。修書致交通部。航政司租船處薩監督。傍晚雨霽。譚楷君來訪。晚膳後。梅領事之夫人。暨諸女兒媳等十餘人。同啟明君來船。參觀畢。即行吳君之

百靈。自經各報贊揚。逐日有人來船探視。昨夜竟並鳥籠不知去向。報捕後。偵騎四出。本日各報均已登載。二十一日晴涼。晨。覃慶勳君偕女友數人來訪。早膳後。續遊西砵崙。各公司均有地底房屋。各家均有電話。月費僅二元半。其通話法不用報號。聽機列有數碼。撥動號數。即可直達通話處。西式房屋之優點。節地皮。通空氣。栽樹木。透日光。吾國房屋。從事改良。實遠勝之。且饒風景。美國最足令吾驚歎者。厥惟馬路之寬坦。鐵路之縣長。全國氣脈相通。無方不達。僅數十載之經營耳。吾天府之國。無物不備。卒以交通不便。內產不能外輸。反欲捨己求人。至足痛惜。倘能振興馬路。開裕國之泉源。則富強可計日而待也。下午。羅梁陳諸君。及李深君暨女眷五人先後來訪。船中一豕一犬。咸欲一觀爲快。華戊到砵崙以來。無論大小事件。逐日經各報之褒揚。引起全埠之注目。中西男女來訪者。日恒數起。每失之相左。未獲晤談甚憾。本日船中無線電裝竣。電官二員。皆

美國人並增四管輪一員。英國人。

二十二日晴涼晨。華商溫姓女客數人來訪。早膳後赴西林崙購應用各件。下午與吳徐兩君乘摩托車往訪梅領事告辭。領事贈所共拍照各三張。復設席旅館致饌。席後領事偕同諸子乘摩托車親送吾等至船。領事慷慨誠篤。和藹如春。無富貴驕矜之氣。良堪欽佩。本晚華戊裝木已竣。共二百七十二萬立方尺。定於明晨開返大沽。

二十三日晴晨四點半。展輪出哥崙布河。渡太平洋。穿美柏林海。俄鄂霍次克海。入宗谷海峽。過日本海。繞濟川島而西。六月十七日抵大沽口。拋錨起木。二十三晚開行。越宿至秦皇島裝煤。會乘京奉車往山海關。乘騎歷遊天下第一關。萬里長城。角山關帝廟。玄陽洞。諸勝蹟。三十日由秦皇島開行。七月三日抵上海。舟停旬日。將有南洋羣島之行。時間迫促。瑣事紛繁。良友惠書。愧未詳覆。爰以砵崙之游。先為敬報。余十年來走閩粵。居

長安。旅金陵。歷長江。所作日記。未嘗間斷。追維往事。吾心怦然。此番初赴北美。狂風怒濤中。雖晝夜勞神。備嘗艱苦。不復曩時之快樂。然起外人之欽佩。於國不辱。良堪自慰。所至以為憾者。恒遇美人相問。何以中國船而用外人為船主。余聞之愧焉。同人其勉之。

華盛頓七日記 心 危

民國十年六月四日。上午十時。由菲城 Philadelphia 程。車行約四小時。抵華盛頓。假寓友人王君處。王君者。華盛頓大學學生。擅中外魔術。初試演於校中。為彼邦人士所推重。繼則各大戲園。競相延致。王君重違其議。於課餘時一試演。獲利不貲。是知吾人之留學海外者。苟擅一藝。不患無自立之具也。是日由王君約遊華京。各名勝。藉知大概。以為日後詳細瀏覽地步。華京街道清潔。布置尤佳。以國會議事堂為全城中心。分為東北東南西北西南四大區。街之南北行者。冠以數目字。如一街二街是也。其東西行者。則冠以英文字母。如 A 街

〇街是也。橫貫各街者有馬路。冠以各州州名。以本薛

文義馬路爲最長。皆導源於國會議事堂。此其布置之大略也。若東西行及南北行之各街。則又別以區名。極易辨認。然猶未也。門牌號數。以兩街相距爲一百號。如三號五百號。則必在街三與五街之交之間。可一望而得矣。遊人之至華京者。費數小時研察力。即可無迷途之患。郎芳氏 L. Entant (昔日建築華京工程師) 之遺惠。誠令人永矢不忘也。

五日早起。乘車出遊。初至動物園。園極小。不若紐約者遠甚。次驅車越喬治鎮。直至阿林登 Arlington 美國軍人國葬處也。石碣滿目。英魂何在。嚴肅蒼涼。油然而起故國之思。中有李將軍故宅。遊人暫憩於此。李將軍爲南北美戰時南方名將。大勢已去。解甲歸田。以促成統一。美人頌之至今。吾國軍閥。苟能有此覺悟。則統一之局。其庶幾乎。歸途經各國使館數十。以俄使館爲最壯麗。以中國使館爲最僻陋。雖遲遲不如。迨言其他。誠國

恥也。

六日早遊國會議事堂。以壯麗名聞世界者也。畫棟雕梁。幾非筆墨所能盡返。說者以美人儼於白宮而豐於此。爲重視立法機關之證。雖屬臆測。頗爲至理。蓋美國三權鼎立。而此中實究其二。大理院與上下議院均設於此。余往遊時。適值開會。故能於數小時內。遍覽立法司法各機關狀況。誠快事也。大理院僅有屋一間。作長方形。大可容一二百人。上設座九。爲院長懷德 Chief Justice 逝世未久。故中座罩以黑紗。以誌哀感。座前百餘席。皆爲當地律師設者。參觀者居最後。僅三十餘席而已。開庭儀式極簡單。奔走給事者。皆十餘齡童子。活潑可喜。此其特色也。參議院在其側。布置絕精。上設議長席。右爲共和黨議員席。左爲民主黨議員席。旁觀席在樓上。男女分座。余往時正值開會。議長副總統克勒內奇 Coolidge 端坐無語。兩黨議員到者不足三十人。(共有九十六人) 雖有演說。極少爭辯。

蓋各事均決於委員會。議會僅存形式。故精神略似委靡。非美人性有特異也。次往參觀衆議院。較參院爲大。席次亦遠過之。布置則大致相仿。議論雖現龐雜。而無爭鬥之事。則以各事亦均決於委員會也。距國會議事堂數十步。國會圖書館在焉。藏書之富。爲全國冠。有地道。國會議事堂週開議時。議員需書參考。索之地道。瞬息可得。又藏有油畫甚多。中國書數萬卷。有宋板及明板書數卷。陳列於外。

七日往遊印刷局。政府公文鈔票。均於是印刷。入內有導者引觀各部分。層次井然。自排字至成書。需時極短。作工者亦不下數萬人云。附有發行所。凡政府公文。國會議案。及各委員會報告書。調查表。均印有單冊出賣。取價甚廉。誠參考利器也。次大美洲協會。及司密氏博物院。大美洲協會。由南北美商人釀資建造。以聯絡感情者也。入門後有廣院一方。雜置熱帶花鳥。上覆亮瓦。以蔽風雨。聞之導者。此南美私家住宅式也。樓上有大

廳。備大宴會之用。西班牙公使。嘗設宴於此。導者引以爲榮。司密氏博物院。收藏雖富。絕無特異之品。惟此次歐戰戰利品頗多。構造精絕。此則差堪瀏覽者耳。下午二時。鼓餘興往遊佛能山。Mount Vernon 華盛頓故宅在焉。乘船經波多馬克湖。Potomac Lake 約一小時可達。山水清明。令人悠然作遐想。謁華翁墓。封植如新。則保守之功也。次觀華翁故宅。陳設一爲當年。雖一樹之微。莫不保其故態。甘棠之愛。何以加茲。余謂同行者曰。世之有皇帝夢者。當令其來此一行。同行者爲之點首不置。下山時遇見哈定夫人。羣起致敬。夫人亦答禮如儀。蓋亦爲展禮佛能山來也。八日早。遊白宮。雖小而精。除總統臥室外。餘室均一律開放。任人參觀。若東閣。若藍室。若紅室。若綠室。均以其陳設之色而名。較之國會議事堂遠遜矣。次遊海陸軍部。辦事員奔走忙碌。如一大公司。絕無官氣。參觀總長招待室而出。次遊財政部。大致如前。藏各國貨幣品甚

多。足資參考。金庫中所蓄尤富。現金數十萬萬。鈔票銀洋亦如之。惜以歐戰封閉。不能爲遊人增眼福矣。下午往觀波多馬克大瀑布。距華系十四英里。乘長途電車而往。水急勢險。有雲飛電掣之勢。旁有小山。荒絕若無人。居有廣告牌一。書粗俗不可辨。近視之。則紅人在山上演劇數字而已。余故好奇。且候車未至。乃踉蹌而往。初尙有小路可通。繼則榛莽遍地。攀涉而上。山巔有平地一弓。藉樹作棚。中列椅數十。閱無一人。知尙未開演。樹旁坐紅人三四。猙獰如圖畫。再觀所標演員姓名。若昔爲國王。若者爲宮妃。則盡皆紅人貴族也。種不自強。淪落如此。吾人觀之。能無凜懍。爰從中來。不忍卒觀。歸途猶有餘感也。

九日。往遊海軍製造廠。導者皆海軍下士。初以爲余日人。(美人對中國及日本不能辨別)辭意傲慢。經余婉爲說明。始肯導遊各處。中藏戰利品甚多。有巨炮一尊。名郎登。其歷史趣甚。茲略述之。郎登造于法時。一千

七百八十六年也。英法之戰。爲英人所獲。轉售於美。嗣以傷重。售諸海梯。Hoyt用以禦法。後又爲美人取回。裝諸軍艦。英美戰爭時。美艦強臂。以一船於亞羅海島。獨敗英人。則郎登之功也。強臂以傷重自沉。郎登遂爲葡人所得。贈之美國。用作紀念。以一炮而歷百年之大戰。數易其主。卒合浦珠還。此外廠中尙有修理槍械機器多具。無勝可觀。轉至林肯博物院。美總統林肯畢命處也。林肯被刺之戲園。即在其旁。今已改作自來水廠矣。初林肯於戲園被刺後。即移至此小屋內。救治不及。畢命於此。而此小屋。隨與美國歷史相終始矣。現此小屋已收歸國有。藏林肯手書及日用器具甚多。亦獎勵英魂之意也。

十日。余居華盛頓已七日矣。倦遊思返。早起檢點行裝。頗作歸計。下午汽笛一鳴。而余已在芝加哥道上矣。遊美京華盛頓記 徐廣德

貫而西。度支部、外交部、海陸軍部暨總統府各府第均
在焉。余先步遊賓雪佛街。繼乘遊覽汽車。環行全市一
週。遊覽汽車公司。美國各大城市均有之。專備遊客之
用。獲利頗豐。車中雇有熟悉全城情景者。到處演講。或
古跡。或名勝。或顯宦住址。或政務公庭。皆剖析詳明。嫻
嫻動聽。在遊覽車中。最足令余感觸者。莫若街道之清
潔一事。其構造之精巧。修理之整潔。砥平矢直。塵沙不
揚。實爲見所未見。當車經總統府第時。美總統適自外
歸來。身座車中。吾車中人對之。均脫帽致敬。彼亦脫帽
答禮。下午。道經南北戰爭中之大將斯喀脫銅像處。銅
像威風凜凜。氣蓋一世。週圍環以電燈及噴水管。石人
石馬參差林立。余就坐其旁兩小時。既而使道就華盛
頓記功塔近旁散步。地離塵市。風景清幽。心胸爲之一
爽。

翌晨參觀外交部暨海陸軍府第。三部同在一座高屋
中。屋共四層。長約五百六十五尺。濶約三百四十二尺。

列室共五百間。走廊之由大利石築成者。長約兩英里。
外交部居其南。陸軍部居其西。海軍部居其東。由司導
人導引。首至第二層樓。其走廊週圍。均設有方玻璃匣。
匣內中設各種海陸軍服式。暨南北戰爭（千八百六
十一至五年）墨美戰爭（千八百四十六至八年）
西班牙之役時旗幟兵器等。以誌紀念。折而南。外交總
長休息室在焉。更南。爲外交總長接見各國使員室。此
室內懸有華盛頓暨歷來著名之美總統數像。轉而至
三層樓南首。外交部藏書庫在焉。庫內除藏有法政書
籍五萬冊。外。最足爲彼美人所視爲寶藏者。則千七百
七十六年之美利堅獨立宣告書也。此書原稿。由美國
第三總統傑弗遜氏手筆繕成。置諸玻璃匣。在室之右旁。
餘若千七百八十七年之憲法大綱。推舉華盛頓爲起
義大元帥選舉狀原稿等。均藏諸室內之保險箱中。其
走廊內陳列美國各式兵艦之模型。大小共數十艘。海
軍部藏書室在第四層樓上。以其中多秘密要件。未克

就觀。午後走謁華盛頓紀功塔。塔在賓雪佛第十四街。高五十五丈五尺。週圍成一方形。深入雲霄。凡遊客之往華盛頓者。車離城二十餘里時。已見此塔。巍然直峙。

紀功塔會所成立。始克從事建築。然因款項告罄。中輟數次。直至千八百八十五年二月。大工始克告竣。共費美金一百三十萬元云。

雲際塔頂返照日光時。全城各處。皆得瞻其光采。而其品色一日數變。非天朗氣清時。則真面目不易得也。塔基週圍。每面闊共五十五尺。向上次第縮小。至頂上。則每面闊僅三十四尺矣。塔之全部均以細砂石砌成之。內部可分四十八層。每層各設電燈。余與同遊者乘升降機直達其巔。約費時二十分鐘。其最高一層。設有小窗兩扇。探首外望。全城遠近數十里。歷歷在目。令人翛然作塵外想。該塔初建時。美政府徵石於萬國。將各國所贈之石。築於塔之下層。余因欲觀各國所贈之石。步行而下。其中刻成我國文字者。計有兩具。一由福建某等教士具名。讚揚華盛頓功德。一則草書兩行。字跡糊塗。不易辨認。考此塔建築史。倡議於千七百八十八年。經議院屢次提議。至千八百三十三年。建築華盛頓

翌晨參觀中央博物院。院分新舊兩處。余所參觀者爲新院。屋共四層。其結構之精巧。陳設之華麗。舍紐約博物院外。全美莫能及也。各層所藏物品。不下數萬計。類別可分五目。曰地質部。曰動物部。曰植物部。曰人種部。曰古董部。

乃指中央政府之最大辦事室。蓋謂此地爲一國元首所在也。屋分三座。中央爲美國最高審判廳。南爲上議院。北爲下議院。其後又有一座。爲藏書室。合名爲喀別德兒。上議院左旁。有所謂總統室者。建築頗形精緻。此室落成於總統林肯就任時。時蓋一八六〇年也。總統之來坐此室者。林肯爲第一人。美制總統除就任日。讀

贊詞。與夫每歲年終宣讀政府報告書外。不輕往喀別

德兒且即前往。而與法庭議院亦鮮通音問。蓋美國政體。自來嚴守孟德斯鳩三權分立主義。立法司法行政三部。絕少聯絡故也。然自民主黨首領威爾遜氏就任後。旬日內即出席議院。提出所謂關稅修正案。當時國內各報均評論其事。咸謂除戰爭時代。總統得出席於議院。指論時局外。他實未有其例。蓋總統之不得出席於議院。在美國已視等不成文憲法。威氏此舉。宜彼國人所震駭也。顧威氏則謂立法行政。不相爲謀。事實上必生阻礙。嘗著書痛詆美人墨守三權分立之弊。故就任後不數月。即因墨西哥內亂問題。親往議院發表政見。經議員全體贊同。一呈美國立法行政交通活潑之精神。昔日對之而震駭者。今轉而稱道之矣。

翌午驅車訪華盛頓故居。居名蒙脫佛郎。距華盛頓市約二十英里。四圍風景絕佳。氏初居是屋。從事農業。一七七六年。美人宣佈獨立。被舉爲大元帥。迨革命功成。兩任總統後。即返故居。與其夫人優遊終老。其後雖有謀將此屋出售者。政府以華氏功在國家。當保存其遺產。以勵後進。因出資收歸國有。修整而擴充之。今其地址。周圍約有八十畝。室共三層。室內陳列者。半屬華氏任大元帥及總統時之故物。房屋之修葺。物件之保存。均由特派員專司之。屋旁有草園一所。園中花草。有爲華氏退居時所手植者。屋右約二百步許。華氏暨其夫人之墓在焉。歸途經小鎮亞歷山大利亞。司車人告余。謂華氏後裔。今尚有留居於此者。

翌日上午。參觀公務所四處。曰刊印紙券所。 Bureau of Engraving。曰農業部。 Agricultural Department。曰司邁司圖書館。 Smithsonian Institute。曰華盛頓郵政局。 Washington General Post Office。

刊印紙券所。專印國家公務證書鈔票及國民銀行鈔票等。美國國家暨國民銀行所發鈔票。共有五種。(一)國家綠背紙券。每張定價自十元至千元。(二)金元兌換券。每張自十元至萬元。(三)銀元兌換券。每

張自一元至百元。(四)國民銀行鈔票。每張自五元至百元。(五)度支部兌換券。每張自一元至壹元。農業部內。多化學試驗室。有各種植物學專家。在內實驗各處地土性質。屋外有一大試驗場。農人可直接向部內詢問各項種植方法。遇有蟲患。可向該部求助。司邁斯圖書館。爲司邁斯個人私產。氏爲昔日美國大資本家之一。性好古物。購藏頗富。以故館內多名人書畫古董等物。中國日本物品之雜列其中者。爲數亦夥。此館現與華盛頓國家齊名。

華盛頓郵政局格式。與美國他處各大市內所建設者相彷彿。惟以京都所在。規模故爲宏大。

下午參觀政府書籍印刷所。共屋八層。凡屬政府種種文告。各部種種記錄。與夫議院通過案件。每日會議記錄等件。均由此所刊印發行。美制凡屬國家事件。由政府印刷所刊印者。除書冊頁數過多須收工本外。餘皆

任人索閱。不取分文。

翌晚參觀華盛頓圖書館。館爲中央政府所設立。世界各種著名書籍。無一不備。屋共三層。周圍廣濶約數十丈。建築仿羅馬式。結構備極精緻。樓梯走廊等。均以大理石砌成之。屋內有窗千百餘扇。燈數千盞。華麗莊嚴。直令人對之震駭。中分讀書室。盲人讀書室。議員閱書室。閱報室等。第三層樓上。藏有雕刻繪畫等種種美術。館中藏書共有百三十萬餘冊。管理人某君云。若將館內書架接作一長行。約爲四十四英里。其多可想見矣。

丙辰西美遊記

黃愼圖

旅行之始

(丙辰)一千九百十六年五月十三號。余等集合團體。作西美旅行團。伴爲瑪璧珂夫君。(俄人文學博士。地質學博士)曾著「中國文學與文學比較」一書。行世。書用華法俄文合撰。君性和樂堅忍。識子久。嘗以德業相切磋。近復聯爲秦晉好。威魯士君。(英人哲學

文學博士農林學學士）足跡遍五洲。豪爽無城府。能操華俄法德語。尤好吾國史乘。璧德女士。（美術學技士法國文學士）通英法語。粗習華文。慈祥嫺雅。不矜不伐。是即瑪璧珂夫之女弟也。孟實謙君。（華容人清中書會畢業北洋法政湖北法文兩學校）恂恂儒雅。曾助予從事記錄。其爲文質朴多精義。（癸丑）一千九百十三年秋。予撰「實業爲富強之本」一書。書用華俄法文。君爲予書後。洋洋灑灑。透徹肌理。頗爲拙著生色。是役也。連予實成五人組。趁威理氏號。由香港出發。登艦後潮正盛漲。人貨難齊。聲等春雷。震撼靈府。懷懣難耐。七時四十五分啟旋。喧呶漸寂。氣候和煦。繁星嵌空。海天極目。蕩滌塵襟。了無餘滓。致足樂也。時艦上招待員啓予曰。將屆晚膳。亟歸室。御晚服出。值璧德兄妹攜手迎面來。互爲禮。聯翩入會食堂。主席爲艦長威廉氏。年五十外。鬚髮繞頰。目光甚銳。面作櫻紅色。頭戴齒裕。執禮甚恭。酬應諸客間。一再向予濫諛。意似華人

雜處多國人士。酬酢中。應對談笑。了無隔閡。爲可訝者。言時頭顱簸無範。手足震顫。尤堪發噱。其狀類彈簧製之像生木偶。危立風前。更傾彼懸河之口。滔滔不息。予搦謙以謝其愚。乘間搜索其奇震之由來。知彼係沉湎麴蘖者。殆爲麥酒毒中於筋絡。喪失其肢體之制裁。致成被動。毒之驅策其官骸也。不殊於體長之駕駛其艦夫以閤船生命。託諸此公之手。亦云險矣。呼杯中物之浸淫。其可畏也。乃如是。當予內訟時。威君與璧德似審予心理作用者。咸現忍俊不禁狀。餐後達船舷。領略海天空氣。次日二時許。促膝暢論南北極冰魚之生息。侍者手銀盤。盛無線電至。亟展閱。電發自同學呂班南君。祝予此行。行以所得歸利祖國。予以電示儕輩。咸羨予多益友。晚十時。睡興正酣。滿船鼎沸。驚醒。急啓鍵出。適巡行艦役立衙隅。詳爲予述。方悉一華人投海。未及援救。已逐波神長逝。檢其行裝。衣物多疊。流行幣若干。尙遺有辭世書一函云。翌晨。艦長以函洩威爲介。倩予重